

職方典第五百八十三卷

四川總部紀事

戰國策司馬錯與張儀爭論於秦惠王前司馬錯欲伐蜀張儀曰不如小民貧故臣願從事於易夫狄之長也敝民勞衆不足以成名得其地不足以爲利臣聞爭名者於羣羊也取其地足以廣國得天下之市朝也而王不爭顧爭於戎狄去王業遠矣司馬錯曰不然臣暴利盡四海諸侯不以爲貪強兵者務富其民欲王者務博其德三資者備而王隨之矣今王之地小民貧故臣願從事於易夫蜀西僻之國而戎狄之長也而有桀紂之亂以秦攻之譬如使豺狼逐羣羊也取其地足以廣國得其財足以富民繕兵不傷衆而彼已服矣故拔一國而天下不足以爲暴利盡四海諸侯不以爲貪是我一舉而名實兩附又有禁暴正亂之名今攻韓劫天子劫天子惡名也又未必利也有不義之名而攻天下之所不欲危此臣所謂不如伐蜀之完也惠王曰善卒起兵伐蜀十月取之遂定蜀蜀旣屬秦益強富厚輕諸侯

十三州記昔蜀王從卒數千餘出獵於褒谷溪而秦惠王亦畋於山中怪而問之以金一篋遺蜀王

及報欺之以土秦王大怒其臣曰此秦得蜀之瑞秦王未知蜀道乃刻石牛五頭置金於尾下僞如養之者言此天牛能屎金蜀人見而信之乃令五丁共引牛成道致之成都秦始知蜀道使張儀伐之蜀王開戰不勝而亡

入蜀紀見漢高時巴蜀人爭山界久而不決一朝密霧石爲之裂自上及下破處真若繩引之於是巴蜀界限始分

漢書司馬相如傳相如爲郎數歲會唐蒙使略通夜郎爕中發巴蜀吏卒千人郡又多爲發轉漕萬餘人用軍興法誅其渠率巴蜀民大驚恐上聞之乃遣相如責唐蒙等因諭告巴蜀民以非上意相如還報唐蒙已略通夜郎因通西南夷道發巴蜀廣漢卒作者數萬人治道二歲道不成士卒多物故費以億萬計蜀民及漢用事者多言其不便時邛笮之君長聞南夷與漢通得賞賜多多欲願爲內臣妾請吏比南夷上問相如相如曰邛笮冉駹者近蜀道易通異時嘗通爲郡縣矣至漢興而罷今誠復通爲置縣愈於南夷上以爲然乃拜相如爲中郎將建節往使副使者王然于壺充國呂越人馳四乘之傳因巴蜀吏幣物以賂西南夷至蜀太守以下郊迎縣令負弩矢先驅蜀人以爲寵

於是卓王孫臨卅諸公皆因門下獻牛酒以交驩卓王孫喟然而嘆自以得使女尙司馬長卿晚乃厚分與其女財與男等相如使略定西南夷卅祚冉駹斯榆之君皆請爲臣妾除邊關邊關益斥西至沫若水南至牂柯爲檄通靈山道橋孫水以通卅祚還報天子大說相如使時蜀長老多言通西南夷之不爲用大臣亦以爲然相如欲諫業已建之不敢乃著書藉蜀父老爲辭而已詰難之以風天子且因宣其使指令百姓皆知天子意

總志漢公孫述字子陽扶風茂陵人值臨卅赤眉之亂豪傑並起述使人詐稱漢使假述輔漢將軍蜀郡太守兼益州牧乃選精兵入成都用功曹李熊言欲僭大號夢人告曰公子系十二爲期覺謂妻曰雖貴而祚短若何妻曰朝聞道夕死尙可況十二年乎會有龍出庭中述瑞之因自刻掌文曰公孫帝遂稱成帝色尙白建元龍興及光武遣岑彭伐蜀述遣人刺殺之帝下詔諭述終無降意尙書鄭文伯解文卿請述歸漢述怒幽死之及吳漢攻成都述自將數萬人出禦漢令壯士突之述兵大亂被刺洞脅墮馬而死漢盡滅公孫氏果十二年而亡

漢板楯巴郡人桓帝光和間叛寇掠三蜀及漢中諸郡帝遣御史中丞蕭瑗督益州兵討之連年不

尅帝欲大發兵乃問益州計吏考以征討方略漢中上計吏程包對曰板楯七姓射殺白虎立功先世勇猛善戰永初中羌入漢川郡縣破壞得板楯救之羌死殆盡故號爲神兵羌人畏忌傳語種輩勿復南寇至建和二年羌復大入竇賴板楯連摧破之前車騎將軍馮緄南征武陵雖以丹陽之兵精銳亦倚板楯以成其功近益州郡亂太守李暉亦以板楯討而平之忠功如此本無惡人長吏鄉亭更賦至重僕役簠楚過於奴隸亦有嫁妻賣子或乃至自頸割雖陳寃州郡而牧守不爲通理闕庭悠遠不能自聞含怨呼天叩心窮谷愁苦賦役因罹酷刑故邑落相聚以致叛戾非有謀主僭號以圖不軌今但選明能牧守自然安集不煩征伐也帝從其言遣太守曹謙宣詔赦之卽皆降服馬相靈帝時聚疲役之民數千人亦以黃巾爲號殺縣竹令進攻雒縣殺刺史郗儉又擊蜀郡犍爲旬月之間破壞三郡自稱天子衆至數萬遣兵破巴郡殺郡守從事賈龍先領兵數百在犍爲糾合吏人攻相斬之

劉焉竟陵人魯恭王之後中平中爲太常見王室多故建議以爲四方兵寇由刺史威輕且用非其人所致宜改置牧伯選清明重臣以居其任侍中董扶私謂焉曰京師將亂益州分野有天子氣會

刺史祢衡賦斂煩擾謠言遠聞而耿鄙張懿皆爲盜所殺朝廷遂從焉議以焉爲益州牧焉入蜀徙治綿竹撫納離叛務行小惠以收人心時南陽三輔民數萬家避地入蜀焉恣饒之引爲黨與號東川士遣張魯斷北道枉誅大姓巴郡太守王咸李權等十餘人以立威刑前後左右部司馬擬四軍統兵位皆二千石時犍爲太守任岐與從事賈龍惡焉之陰圖異計也舉兵攻焉爲禦之東州人多爲致力遂克岐龍焉意盛乃造乘輿車服千餘僭擬至尊焉長子範爲左中郎將仲子誕治書御史季子璋奉車都尉皆從獻帝都長安惟叔子別部司馬瑁隨焉爲聞相者相陳留吳懿妹當大貴爲瑁聘之荊州牧劉表上焉有子夏在西河疑聖人論帝遣璋曉諭焉爲留璋不遣還初平四年征西將軍馬騰與焉範通謀襲長安謀泄範誕皆受誅興平元年七月天火燒綿竹城焉徙治成都疽發背而卒州大吏趙韙等貪焉子璋溫仁共上以爲刺史詔以爲益州牧建安十六年冬璋遣使迎先主先主留兵守荊州而西璋使先主擊張魯十七年冬十二月先主據涪城十八年夏五月璋遣將吳懿等拒先主敗績皆降先主進圍雒城十九年閏五月先主入成都時城中尚有精兵三萬人穀帛支一年吏民咸欲死戰璋言父子在州二十餘年無恩德以加百姓攻戰三年肌膚草野者以璋

故也何心能安遂開城出降羣下莫不流涕先主遷璋公安盡歸其財物佩以振威將軍印綬吳孫權之取荊州也以璋爲益州刺史先主東征璋還吳卒

華陽國志晉泰始十年汶山白馬胡恣縱掠諸種夏刺史皇甫晏表出討之別駕從事王紹等諫不從典學從事蜀郡何旅諫曰昔周宣王六月北伐者獫狁孔熾憂及諸夏故也今胡夷相殘戎虜之常未爲大患而盛夏出軍水潦將降必有疾疫宜須秋冬圖之未晚晏不聽遂西行鹿入營中軍占以爲不祥晏不悟胡康燒香言軍出必敗晏以爲沮衆斬之夏五月軍至都安屯觀坂上旅復諫曰今所安營地名觀坂自上觀下反上之象徵不吉昔漢祖悟柏人以免難岑彭惡彭亾而不去遂陷於禍宜移營他所晏不納其言夜所將中州兵蔡雄宣班張儀等以汶上道險心畏胡強晏復懷諫於時衆庶所怨遂引牙門張弘督張衡等反殺晏衆夜亂不知所爲惟兵曹從事犍爲楊倉彎弓力戰射百餘發且冒雄衆擊之盡見殺從事廣漢王紹亦死初晏未出蜀中傳相告曰井中有人學士靳普言客入東井井益州之分野憂刺史戒客人耳又有猛風是逆風其日觀卦用事若軍西行護觀坂門人向天井益可慮也故旅勸諫云卒如其言弘等遂誣表晏欲率己共反故殺之求以免罪

其衆抄掠百姓廣漢主簿李毅白太守弘農王濬宜急救益州禍亂保晏無惡必爲弘等所枉害濬從之而晏主簿蜀郡何攀以母喪在家聞亂釋纓經詣洛訴晏忠孝而弘等惡業事得分明詔書因以濬爲益州刺史加輕車將軍濬斬弘等益州平

總志晉趙廞賈后姻也爲益州刺史趙王倫既殺后以耿滕代廞廞甚懼且晉室衰亂漸有割據之志乃傾倉廩賑流民厚遇李特兄弟以爲牙爪特等恃勢爲盜蜀人患之滕密表流民剛剽蜀人懷弱主難制客必爲亂階宜使還本土廞惡之滕欲入州功曹陳恂諫曰不如留成都以觀其變檄諸縣合村保以備秦氏不聽廞率衆逆戰滕敗死廞構益州牧李庠歸之廞委以心膂使招合壯勇斷北道廞忌其驍勇得衆心以事斬之復用特爲督將特怨廞進攻成都廞走死焉詔以羅尚爲刺史討特斬之

李雄字仲雋特之弟特略陽巴氏也與弟庠流雄皆有材武善騎射任俠州黨多附之晉元康八年齊萬年反鄰近六郡民流移入漢川者數萬家中途窮乏疾病者特兄弟賑救之由是得衆心至劍閣特嘆曰劉禪有如此地而面縛於人非庸才邪至漢中上書求寄食巴蜀朝議不許遣侍御史李

愍慰勞且監察不令入劍門愍受賂反爲表曰流人十萬餘口非漢中一郡能贍蜀有倉儲又復豐稔宜令就食由是流人散在梁益不可禁止益州刺史趙廞反以特等爲爪牙令庠招集六郡壯勇以斷北道廞忌庠驍勇以事斬之仍用特爲督將特怨廞遂攻殺之遣使陳廞罪狀詔以羅尙爲刺史特遣弟驤迎獻珍玩尙悅以驤爲騎督適朝遣御史督發流民還本土特兄輔自略陽來言中國方亂不足還時流民散在列郡爲人傭力年穀不登無以爲行資人人愁怨特納賂於尙求停至冬流人感而恃之相率歸特特結大營於綿竹廣漢太守辛冉榜購特兄弟一首百匹特改爲購六郡豪傑流民大恐歸特愈衆據廣漢攻成都自稱鎮北大將軍與民約法三章卹窮禮賢軍政肅然蜀民大悅相聚爲盜者皆送款特乃分流民於諸塢就食尙用任叡言襲特斬之流等收餘衆保營尙進攻之大敗流自稱益州牧進圍成都晉命宗岱救之將至流懼欲降雄諫不納私誘流民襲岱破之時蜀民流亾殆盡惟范長生依青城相聚自保流招降之給軍餉流死衆推雄爲牧治陴城攻走羅尙遂取成都自稱成帝以長生有名德蜀人所重拜爲丞相呼曰范賢以李驤李離李國爲太傅太尉太宰事必咨而後行而三人事雄彌謹楊褒爲尙書令好直言雄容納之後遣兵陷梓潼漢嘉

越嶲寧川雄立三十年卒立特之子班爲太子雄卒班立雄子期弑而代之驥之子壽復弑期自立改國曰漢羅恆解思明勸壽如龔壯策枘藩於晉不從五年卒子勢立驕淫不恤國事譏諂並進刑罰苛濫殺賢臣馬當解思明彝獠外叛軍守內離晉桓溫率軍伐而取之凡五傳共四十二羣

成都西金容坊有石二株舊曰石筍前秦遺址諸葛孔明掘之有篆字曰蠶叢起國之碑以二石柱橫埋中連以鐵一南一北無所偏依又五字濁歇燭觸燭時人莫曉後范長生議曰亥子歲濁字可記主水災寅卯歲歇字可記主饑饉巳午歲燭字可記主火災辰戌丑未歲觸字可記主兵災申酉歲觸字可記主豐稔後以年事推思之悉皆符驗

李洪自稱李勢子帝奕太和中因刺史劉季連失於撫綏巴西人趙續伯推洪爲主乘佛輿以五綵裹青石誑百姓云天興己玉印當王蜀季連遣叅軍李奉伯討獲之將刑誑刑人曰我須與飛去復曰汝徒殺我三月三日我當再出斬之乃定

范賁穆帝永和三年李洪遺黨隗文鄧定蕭恭文等復反據成都陷日南害督護劉雄而立賁爲帝賁卽范長生子也初長生爲李雄國師民愛之賁因是聚衆爲亂平西將軍周撫尋擊斬之

司馬勳穆哀時梁州刺史爲政暴酷治中別駕言語忤意卽於坐斬之常有據蜀之志憚益州刺史周撫不敢發興寧三年撫卒遂舉兵反自號成都王引兵入劍閣圍成都桓溫表江夏相朱序爲征討都護以救蜀太和元年夏五月朱序及益州刺史周楚擊勳斬之

晉書殷仲堪傳仲堪都督荆益寧三州軍事尙書下以益州所統梁州三郡人丁一千番戍漢中益州未肯承遣仲堪乃奏之曰夫制險分國各有攸宜劍閣之險實蜀之關鍵巴西梓潼宕渠三郡去漢中遼遠在劍閣之內成敗與蜀爲一而統屬梁州蓋定鼎中華慮在後伏所以分斗絕之勢開荷戟之路自皇居南遷守在岷邛襟帶之形事異曩昔是以李勢初平割此三郡配隸益州將欲重複上流爲習坎之防事經英略歷年數紀梁州以統接曠遠求還得三郡忘王侯設險之義背地勢內外之實盛陳事力之寡弱飾哀矜之苦言今華陽父清汧隴順軌關中餘燼自相魚肉梁州以論求三郡益州以本統有定更相牽制莫知所從致令巴宕二郡爲羣獠所覆城邑空虛士庶流亡要害膏腴皆爲獠有今遠慮長規宜保全險塞又蠻獠熾盛兵力寡弱如遂經理乖謬號令不一則劍閣非我保醜類轉難制此乃藩扞之大機上流之至要昔三郡全實止差文武三百以助梁州今浮沒

蠻獠十不遺二加逐食鳥散資生未立苟順符指以副梁州恐公私困弊無以堪命則劍閣之守無
擊柝之儲號令選用不專於益州虛有監統之名而無制御之用懼非分位之本旨經國之遠術謂
今正可更加梁州文武五百合前爲一千五百自此外一仍舊貫設梁州有急蜀當傾力救之書
奏朝廷許焉

總志譙縱南充人仕晉益州參軍義熙元年刺史毛璩遣弟瑗出外水縱及侯暉等出涪水東討桓
元暉等不樂遠征逼縱爲主攻涪城璩弟西轅校尉瑾死之縱乃自號秦梁二州刺史璩遣瑗及叅
軍王瓊討之不克益州營戶李滕開城納縱殺璩及瑗滅其家縱以從弟洪爲益州刺史率衆五千
人屯白帝自稱成都王稱藩於秦秦封爲蜀王九年劉裕以朱齡石爲益州刺史率臧熹劉鍾等將
兵一萬自江陵討縱授以函書令至白帝發曰衆軍悉從外水取成都臧熹從中水取廣漢老弱乘
高艦從內水向黃虎於是諸軍倍道兼行縱果遣譙道福以重兵守涪城備內水齡石至彭山縱遣
侯暉夾岸築城以拒之齡石謂劉鍾曰今賊嚴兵固險攻之未必可拔且欲養銳伺隙何如鍾曰前
聲言大衆向內水道福不敢捨涪城今猝至此侯暉之徒已膽落矣阻兵守險是其懼不敢戰也攻

之必克持久彼將知人虛實涪軍忽來併力拒我吾爲擒矣齡石從之翌日攻城克之斬暉舍船步進賊營望風奔潰縱出奔投道福不納乃自縊齡石入成都誅縱宗親餘皆安堵

宋程道養陽泉寺道人也益州刺史劉道濟任長史費謙聚斂興利傷政害人商賈失業吁嗟滿路流民許穆之變姓名爲司馬飛龍自稱晉宗室走仇池楊難當因民之怨資之以兵使侵擾陰平道濟遣兵斬之道濟欲以五城人帛氏奴梁顯爲參軍都護費謙固執不與文帝元嘉九年七月氏奴等因與鄉人趙廣構煽縣人詐言司馬殿下猶在陽泉山中聚衆向廣漢參軍程展會李杭之擊之俱敗死廣等進攻涪城陷之於是涪陵江陽遂寧諸郡守皆棄城走進圍成都道濟嬰城自守賊屯聚日久不見飛龍欲散去廣懼將三千人及羽儀詣陽泉謂道養曰汝但自言是飛龍則坐享富貴否則斷頭道養許諾乃推爲蜀王以弟道助爲長沙王鎮涪城廣號鎮軍將軍帛氏奴爲征虜將軍梁顯爲鎮北將軍衆十餘萬還圍成都十二月道濟令參軍裴方明擊破之已而糧儲俱竭方明出求食爲賊所敗單馬獨還賊衆復大集揚言方明已死道濟夜列炬火出方明以示衆乃安時道濟亦病出財物令方明募人時傳道濟已死莫有應者梁儁之說道濟遣左右出外且告之曰吾病小

損聽歸休息城中應募者日千餘人十年正月道濟卒儻之方明等埋尸後齋使書與道濟相似者爲教酬答籤疏不異常日雖母妻不知也二月道養郊天方明襲擊大敗之賊退保廣漢會臨川王義慶使巴東太守周籍之率衆二千人援成都與方明合攻陣克之斬程道助涪蜀皆平九月甄法崇爲益州刺史收費謙誅之道養逃入鄴山時出爲寇寧朔將軍蕭江之討平之

梁劉季連南齊時南郡太守建武四年曲江公遙欣爲荊州有異迹齊王惡之乃以季連爲益州刺史使據上流以制遙欣入梁天監元年武帝欲以鄧元起爲益州遣左右送季連子弟三人入蜀諭旨季連受命飭裝元起始得之官初季連爲南郡時不禮於元起都錄宋道琛有罪季連欲殺之逃匿得免至是道琛爲元起典籤請先使檢校資糧緣路奉迎元起許之道琛旣至言語不恭見人器物輒奪之有不獲者語曰會當屬人何須苦惜於是軍府大懼謂元起至必誅季連禍及黨與季連亦懼乃招兵算之有精甲十萬歎曰據天險之地握此強兵進可以匡社稷退不失作劉備捨此安之遂召佐史矯稱齊宣德太后令聚兵復反收道琛殺之久之成都城中食盡人相食季連計無所出梁主遣主書宣詔受季連降季連肉袒請罪鄧元起遷季連於城外俄而遣焉待之以禮季連謝

曰早知如此豈有前日之事元起送季連詣建康入東掖門數步一稽顙梁主笑曰卿欲慕劉備而曾不及公孫述豈無臥龍之臣耶赦爲庶人

僭據志梁武陵王蕭紀武帝第十子大同中爲益州刺史頗有武略在蜀十七年能殖其財用器甲殷積有馬八千匹聞侯景陷臺城湘東王繹將討之謂僚佐曰七官文士豈能匡濟長史劉孝勝等勸紀稱帝紀雖未許而大造乘輿車服會內寢殿柱繞節生花紀以爲己瑞遂卽帝位於成都立世子圓照爲太子時湘東王繹已稱尊號於江陵紀率諸軍東下留蕭撫守成都圓照時鎮巴東啟云侯景未平荆鎮已爲所破宜急進討紀以爲信梁主聞紀東下乞援於魏魏遣大將軍尉遲迥伐成都以救之時成都見兵不滿萬倉庫空竭蕭撫嬰城自守迥擊破之紀至巴東知侯景已平乃悔責圓照對曰侯景雖平江陵未服紀亦自揣不可復爲人下遂進至西陵遣將侯覲與陸法和相拒頓兵日久頻戰不利乃遣樂奉詣江陵求和梁主不許紀以黃金一斤爲餅餅百爲篋至有百篋銀五倍之錦綵稱是每戰懸示將士而不以爲賞有請事者辭疾不見巴東民斬硤口城主降於王琳謝答仁任約進攻侯覲破之拔其三壘紀不獲退順流東下將軍樊猛追擊之紀衆大潰赴水死者八

千人餘人猛斬紀及其幼子圓滿收圓照兄弟三人送江陵絕其屬籍下圓照等於獄絕其食至嚙臂啖之十二日而死遠近聞而悲焉

北周書閔帝本紀元年正月丙寅於劍南陵并置陵州武康郡置資州遂寧郡置遂州

唐書高士廉傳士廉進益州大都督府長史蜀人畏鬼而惡疾雖父母病皆委去望舍投餌哺之昆弟不相假財士廉爲設條教辯告督勵風俗翕然爲變又引諸生講授經藝學校復興秦時李冰導汶江水灌田瀕水者頃千金民相侵冒士廉附故渠醴引旁出以廣溉道人以富饒

蘇頲傳頲罷爲禮部尙書俄檢校益州大都督長史按察節度劍南諸州時蜀彫剝人流亾詔頲收劍南山澤鹽鐵自贍頲尙簡靜重興力役卽募戍人輸雇直開井置鑪量入計出分所贏市穀以廣見糧時前司馬皇甫恂使蜀檄取庫錢市錦半臂琵琶捍撥玲瓏鞭頲不肯與因上言遣使銜命先取不急非陛下以山澤贍軍費意或謂明公在遠叵得忤上意頲曰不然明主不以私愛奪至公我可以遠近廢忠臣節邪嵩州蠻苴院與吐番連謀入寇獲諜者吏請討之頲不聽移書還其諜曰毋得爾苴院羞悔不敢侵邊

總志明皇遣吳道子畫蜀山川歸對大同殿案其畫無有曰在臣腹中請正素寫之半日都畢後明皇幸蜀經其地無不與畫吻合因知吳道子之神奇也

唐書高適傳適出爲蜀彭二州刺史始上皇東還分劍南爲兩節度百姓敝於調度而西山三城列戍適上疏曰劍南雖名東西川其實一道自邛關黎雅以抵南蠻由茂而西經羌中平戎等城界吐蕃瀕邊諸城皆仰給劍南異時以全蜀之饒而山南佐之猶不能舉今裂梓遂等八州專爲一節度歲月之計西川不得參也嘉陵比困夷獠日雖小定而痍痾未平耕紡亡業衣食貿易皆資成都是不可得役亦明矣可稅賦者獨成都彭蜀漢四州而已以四州耗殘當十州之役其敝可見而言利者柄鑿萬端窮朝抵夕千案百牘皆取之民官吏懼譴責及鄰保威以罰挾而逋逃益滋又關中比饑士人流入蜀者道路相繫地入有訖而科斂無涯爲蜀計者不亦難哉又平戎以西數城皆窮山之巔蹊隧險絕運糧束馬之路坐甲無人之鄉爲戎狄言不足利戎狄爲國家言不足廣土宇奈何以彈丸地而困全蜀太平之人哉若謂已戍之城不可廢已屯之兵不可收願罷東川以一劍南併力從事不爾非陛下洗盪關東清逆亂之急也蜀人又擾則貽朝廷憂帝不納梓屯將段子璋反適